



# DEO OPTIMO MAX.

## UNI ET TRINO.

VIRGINI DEI-PARÆ, ET S. LUCE,  
Orthodoxorum Medicorum Patrono.

### QUÆSTIO MEDICO-CHIRURGICA\*,

#### QUOD LIBETARIIS DISPUTATIONIBUS

manè discutienda in Scholis Medicorum, die Jovis vigesima-prima  
mensis Februarii, anno Domini M. DCC. LXXXII.

M. LUDOVICO-GILBERTO BOYROT DE JONCHERES,  
Doctore Medico, Praside.

*An Chirurgia Medicinæ principiorum inops sit manca?*

#### I.

**T**HERAPEUTICES, eam quæ manûs ope morbis externis Corporis humani medetur partem Chirurgiam dixere Medicinæ parentes Græci. Hanc ad tria Capita, *Διέκρισις* seu solutionem continui, *λύσις* seu Soluti Unionem, & *ἔκκρισις* Superflui Extraktionem revocarunt. Etsi manûs ope suum absolvat munus Chirurgia, non ideo in arte medendi infimum tenet locum, non tantum utpotè cæteris Medicinæ patribus forsàn antiquior, sed ut agendo certior; quod enim sensibus se dat obvium, facilius tutiusque è Corpore humano eliminatur, quam quod interioris & obscuræ causæ fuerit effectus aut symptoma. Chirurgia partem affectam perlustrat oculis, manu contrectat priùs quàm sese ad opus accingat. Medicina Symptomatis sæpiùs æquivoci causam latentem & dubiam in imis naturæ penetralibus rimatur, quam in medium proferre nequit, nisi ex Anatome & exquisito cuiuscunque partis officio, illarum motu & energiâ, cum certis quibuidam partibus consensu & analogiâ, fluidorum, quibus solida irrorantur, aut quæ in suo sinu recondunt, aut eliminant proprio motu; & benè priùs intellectis. Quantum sit in Medicinâ labo: nemo non novit; at nulli mirum, cum hujus singula pars innumeris obnoxia difficultatibus, naturæ utpotè obscuris subdita motibus. Hinc Chirurgia,

\* *Auctore M. Francisco POUSSÉ, anno 1730.*

2

quantumvis perspicaci licet oculo prædita, manûsque quantumvis dexteritate instructa, suum semper aut ineptè aut fortuito exequetur munus, nisi certâ & genuinâ suffulta methodo.

I I.

**F**INEM inter & media connexionem, non ineptè dicas methodum: hujus aut forus aut parens experientia. Nulla est vilior Ars expertis methodi: nulla quippè media non adhibet, quorum repetitus usus quandam non astruat normam. Hanc Magistri ad Tyrones traducunt: hæc Tyronibus tradita disciplina, in Arte efficit expertos, quorum in media animadversio ad causæ rationem ducit, quæ genuina in posterum principia sufficit. Hoc in mechanicâ videre est quæ Geometriæ iunixa legibus, Artes statuit certas; hinc Ars Nautica, Bellica, Hydraulica experientiæ causarum jam non ignaræ, certum assequuntur finem, quem sola prius experientia felicem, quamvis non rarò, dubium semper obtinuit. Ex mediiorum in Artibus cognitâ causâ, illarum emergit progressus, utilitas, splendor; quò magis humano generi fuerit Artis utilis, eò colenda magis, magis ornanda lucubrationibus, novis illustranda studiis, inventionibus amplianda. Ars Chirurgica cæteras antecellit Artes, & objecti dignitate, & utilitate finis: quid enim præstantius quàm Corpus humanum à statu naturali dimotum, ad nativum, saltem quoad vitæ incolumitatem, reducere? At quò major Artis utilitas, eò major methodi sciendæ necessitas; hanc non ab aliis Chirurgiæ Studiosus expectare potest principiis, quàm ex ipsâ met hujus almi parente Medicinâ.

I I I.

**O**MNIUM partium quæ vel sanitati tuendæ vel restituendæ dant operam, Medicina fons est & origo. Ars dicitur morbis (quantum sanabilibus) debellandis apta: hinc innumeras exigit dotes quas vitæ summa brevis ægrè finit Medicum adipisci; has inter Medicum propius spectant morbi cognitio, symptomatum, causæ, signorum, prognoseos & mediiorum quæ morbi valent delere causam, aut symptomatum temperare ferociam. Quæ adhibet media, vel ex solâ Diæteticæ, vel ex Pharmaceuticis penu, vel ex Chirurgiæ auxilio depromit; hæc quotquot, Medicinæ sunt juris, naturæ legibus utpotè subditæ, quarum prorsusquàm Medicinæ salutem lîmina peritus sit Medicus necessum: Undè adagium: ibi incipit Medicus ubi definit Physicus. Non in solâ Corporis humani fabricâ, nec hujus functionum accuratâ cognitione omnem Medicina continet scientiam: aliis prius informatur quæ utpotè generaliores, ad particularium cognitionem veluti filo ducunt, & Medico præbent faciem ad naturæ motus in Corpore humano apprimè dignoscendos. Leges motus, hydrostaticen, quâ pondus & æquilibrium, & rentitiam lîi quorum noscat; Physicam particularem, quâ aëris pondus & elaterium; Opticen quâ colorum causa, Geometriam quâ solidorum vires, Chymiam quâ effervescentiarum causæ necnon saporum diversitas innotescent, Sedulus inquirat. At cum quidquid natura promittit, aut in sinu recondit, Medicinæ sit juris, seu medicamenti seu alimentis formâ præscribat, animalium, vegetabilium, atque mineralium triplicem investiget familiam: Hæc tam ampla seges quæ Physicam, Linguarum sacundiam atque Geographiam desiderat ad animalium, vegetabilium, atque mineralium cognoscendas vires ratione locorum diversis, non soli Medicinæ competit, sed & Chirurgiæ, iisdem quibus ipsamet Medicina principiis, iisdemque mediis omnino suffultæ.

I V.

**M**ORBORUM quibus medetur Chirurgiæ, vel interna, vel externa causa est; hæc maximè in vulnere simplici, curatu facilior: Noli tamen in solo manûs ministerio curationem reponere: pro periculi metu, aut dolore, ægotantis læsa imaginatio, sæpius solidorum insert ataxiam, & fluidorum pervertit diathesim quæ

pro variorum Symptomatum variâ causâ, specialem exigit Therapeiam; nervorum consensum; unde morbi sympathici Neurologia, varios animi pathematum effectus Hygieine docebit, quarum rudis, fortuitum & periculosam expectabit Chirurgia curationem. Hinc sapienti remediis incassum adhibitis, vulnere minus quam curantis ineptâ methodo, æger corrui. Vulneris interna causa ut v. g. *ἐκ πύου*, id est Tumor in genere, *α. οὐδὴν μαντὼν* id est ad suppurationem vergentium, omnes Medicinæ tum Theoreticæ tum Practicæ partes involvit. Partis affectæ functiones Physiologia docet, morbum, hujus causam & symptomata Pathologia; ex utrinque principis liquet, quisnam exuperet humor, quonam in viscere stagnet, an criticè, an symptomaticè foras erumpat: motuum naturæ facient talem pulsus, urinæ, cutis habitus, lingua, somnus, vigilia & alia quæ suffecerit Semicriticè seu signorum Syndrome. Horum nescia, materiæ seu humori quantumvis facilem præbeat exitum, Dieteticæ seu victus rationis experts, remedium, quæ adhibenda, virtutum rudis, à Botanice, Pharmaciam aut Chymiam descendendum, nunquam ad debitam cicatricem perducet Chirurgia vulnus, nisi ob materiæ *παραβύθιον*, cum aliarum partium dependio, proindeque mortis discrimine. At tumorum interna causa nimum ipsammet Medicinam sapere, ac extra Chirurgiæ limites inquis. Erras, alter! Hanc Artem in solo manû ministerio, uti topicorum admoitione, fasciarum dispositione, manû dexteritate, in vulneris curatione coërces, merèque instrumentalem prædicas; sicque de Arte nobili nimum detrahis. Quot inde mala ægrotanti qui post peractum à Chirurgiâ opus, naturæ soli aut ignari committeretur consilio? Lithotomiam quoti iis absque Medicinæ præceptis, non solum ab Anatomia minus peritis; sed & à Circulatoribus celebratam feliciter jactas: quæ, quanvis tum pro immani dolore, cum pro partium aut incisionum, aut dyssularum, aut laceratarum texturâ debili & officio, quod calculo exempto proinde morbi tollatur causa, suum peragat officium Chirurgia; non laudandi semper felices, nec culpandi insaufi quamvis eventus. At quot miseri post calculi, vel ab Anatomicis extractione perierit; alius ob vires pro diuturniori dolore exhaustas, alius ob partium nervearum debiliorem texturam, immanes cruciatus ferendo impar; ille ob pravam fluidorum diathesim, à speciali potiusve individuali Therapeia solum emendabilem; alium propter partium contusionem, dilacerationem, invasit febris quam mox exceperit abcessus: in alio victus plenior & vini cordiaci nomine potus febriculam, semicritices ignaro tantum obscuram prius immisit, quæ sensim in dies augendo, symptomata mortis prænuncia cum astantium stupore & desiderio curantis opprobrio intulit: quæ tamen, Medicinæ principiis informata Chirurgia aut præcavendi, aut sanandi, aut saltem prævidendi capax est.

V.

**M**EDICINÆ ministrum & hujus utpotè partem eisdem subditam legibus fateris Chirurgiam, quam tamen præ cæteris Medicinæ partibus ad summas evehis laudes propter in theoriâ & in praxi aut inventa aut perfecta: erras. Et is non minus in ipsammet Medicinam quam in Chirurgiam redundaret honos. Solus Medicinæ rudis nescit quot quantisque matheoseo auxilio, Medicinæ pars quævis sit inventis locupletata. Jam hujus imbuta principiis Physiologia, Pathologia, obscuros prius Naturæ motus explicat. Jam Chymia, Pharmacia saporum, odorum, proindeque medicaminum virtutis, & agendi seu in fluida, seu in solida modi non ignorare: jam Botanice quæ prius vœcum & nominum farrago, memoriæ potius quam principiorum tenax pro florum, seminumve figurâ, certâ statuit principia, quæ etiam penè infinita numero vegetabilia, ad certas & numero paucas reducit classes; praxin ideo recensitis quippe partibus fundatam, æquè adauctam non dissidebere. Quæ in Chirurgiâ jactas nova, non veteribus ignota fuere non inusitata. Hippocratis, Galeni, Pauli Æginetæ, Cornelii Celsi, Albucasis innumerorumque sive Græco-

rum, Arabum sive, sive Latinorum libros evolve, te delusum, te ineruditum agnosces. Jam te instantem audio: quos ab Hippocrate ad hos usque autores enumeras, Medico-Chirurgi fuere. Quæstionem solvis: consensus ideo Medicinam inter & Chirurgiam curationes æquæ ac opera Chirurgica tutius absolvit. At si Linguarum incitia prioris erroris causa fuit, rerum posterioribus sæculis in Medicinâ gestarum historia ob oculos ponet Medicos, quibus Chirurgia suæ Artis debeat splendorem, Guidonem de Cauliaco in Arte Chirurgicâ Tyronum hætenus ducem, Tagalium, Gornielenum si non scriptis, nomine saltem non ignoras. Ab Anatome jam accuratori inventis locupletatâ & illustratâ Chirurgiæ progressum & decus repetis? At undenam tot inventa derivarunt? En turmatim quot habet anatome Instauratores, prodeunt Autores Medici. 1 Cæsalpinus. 2 Harveus. 3 Varolius. 4 Willisius. 5 Vieussensius. 6 Petrus. 7 Eustachius. 8 Ingrassias. 9 Stenonius. 10 Verneyus. 11 Litreus. 12 Ruischius. 13 Helvetius. 14 Louverus. 15 Morgagnius. 16 Malpighius. 17 Winslovius. 18 Virsungus. 19 Nuckius. 20 Afellius. 21 Pecquetus. 22 Reverhosius. 23 Heisterus. 24 Riolanus. 25 Graafius. 26 Ravius. 27 Jacobus Sylvius. 28 Vesalius, &c. Ne tibi mirum quod Anatonem tot inventis illustraverit Medicina: soli scientiæ competit rerum indagare causas, dñm Magistrorum inherens vestigiis Ars nuda nihil novi, nisi fortuito, promit.

1 Sanguinis circuitum invenit. 2 Exposuit. 3 Valsolii pontem, Valvulas coli. 4 Cerebri & nervorum descriptionem. 5 Nervorum histo-

Ergo Chirurgia Medicinæ principiorum inops est manca.

riam, structuram cordis. 6 Fibras medullæ oblongatæ, oculi accuratam anatomen. 7 Nervorum delineationem, ductum Thoracicum, Tubam Eustachianam. 8 Stapedem auris. 9 Ductum salivalem carotidalem. 10 Auris structuram. 11 Glandulam pituitariam. 12 Arteriam bronchiale. 13 Vasorum pulmonis inæqualitatem. 14 Cordis structuram. 15 Papillas valvulæ sygnoidis cordis. 16 Viscerum structuram. 17 Cordis situm, orificium sacci Epiploici, multorum muscularum, v. g. bicipitis ignotos. usus, tibie conformationem, oculi musculos obliquos. 18 Ductum pancreaticum. 19 Structuram glandularum conglobatarum. 20 Venas lacteas mesenterii. 21 Cæli receptaculum. 22 Circuitum bilis. 23 Ductum spiralem colli vesiculæ felleæ. 24 Coli appendiculas pingues. 25 Partium genitalium structuram, 26 Scroti septum non simplex. 27 Valvulas venarum membranaceas. 28 Membri virilis ligamentum suspensorium invenit.

### DOMINI DOCTORES DISPUTATURI.

- |                             |  |  |
|-----------------------------|--|--|
| M. Josephus COTTON.         | M. Theobaldus NIZON, Chirurgia vernaculo idiomate Professor designatus.                        | M. Natalis-Nicolaus MALLET.              |
| M. Henricus-Joannes BAGET.  | M. Carolus - Ludovicus VARNIER.  | M. Franciscus-Ludovicus THOMAS D'ONGLÉE. |
| M. Carolus-Jacobus SAILLANT | M. Jacobus - Franciscus DE VILLIERS, Antiquus Regis Exercituum Medicus ordinarius in Germaniâ. | M. Guillelmus FUMÉE.                     |

Præponebat Parisiis PETRUS PUJO, Parisinus, Doctor Medicus Remensis, Nosocomiorum militarium Regis Exercituum in Normanniâ Medicus, necnon Saluberrimæ Facultatis Medicinæ Parisiensis Baccalaureus.  
A. R. S. H. 1782. AB OCTAVA AD MERIDIEM.